

Lëtzebuerg, de 15 décembre 2021

Här Fernand ETGEN
Chamberspräsident
LËTZEBUERG

Här President,

Esou ewéi den Artikel 80 vum Chambersreglement et virgesäit, bieten ech Iech, dës parlamentaresch Fro un den Här Minister fir bannenzeg Sécherheet weiderzeleeden:

„Datt et der Police de Moment u Personal feelt, ass gewosst. Ma et schéngt awer, wéi wa virun allem am Bezierk Norden d'Personaldecken zimmlech dënn wier.

An deem Kader wollt ech dem Här Minister fir bannenzeg Sécherheet folgend Froe stellen:

- 1. Wéi hunn sech d'Effektiver vun de Policebeamten am Bezierk Norden, virun allem och zu Dikrech, entwéckelt?*
- 2. Wéi vill Beamten, déi am Norden affektéiert sinn, sinn op aner Plazen detachéiert ginn?*
- 3. Wéi vill Beamte sinn de Moment am Laangzäitkrankeschäin?*
- 4. Wéi vill Beamte maache keen Aussendéngscht méi? Wat sinn d'Ursaachen dofir?*
- 5. Wéi vill Patroulle si pro Schicht op de jeeweilegen Déngschtstellen disponibel ?*
- 6. Wéi vill Beamte ginn an noer Zukunft am Bezierk Norden an d'Pensioun? Kënne si ersat ginn?*
- 7. Wéi vill Beamte sollen am Bezierk Norden an den nächste Jore bäikommen?“*



DEMOKRATESCH
PARTEI

Chambre des Députés
Groupe Parlementaire

9, rue du St. Esprit
B.P. 510
L-2015 Luxembourg

Tel. : 22 41 84 1
Fax : 47 10 07

dp@dp.lu
www.dp.lu

Mat déiwem Respekt,

A handwritten signature in blue ink, appearing to read 'A. Bauler', with a stylized flourish at the end.

André BAULER
Deputéierten



Äntfert vum Här Henri Kox, Minister fir bannenzeg Sécherheet op d'parlamentaresch Fro n° 5392 vum 15. Dezember 2021 vum honorabelen Députéierten André Bauler

Ad 1.):

Säit dem Akraafttriede vum Police-Gesetz vum 18. Juli 2018 bis zum 31. Dezember 2021 ass den Effektiv aus der Region Norden vun 184 Polizisten an de Karriären B1, C1 an C2 op 179 reduzéiert ginn. Den Effektiv vum Kommissariat Dikrech ass an der selwechter Period vun 48 op 45 erofgaangen.

Ad 2.):

Aktuell ginn et an der Region Norden 179 Polizisten, dovunner sinn der 10 op aner Plätzen detachéiert.

Ad 3.):

De Moment sinn an der Region Norden 4 Leit am Laangzäitkrankeschäin.

Ad 4.):

6 Persounen dierfen den Ament keen Aussendéngscht maachen, dëst aus gesondheetleche Grënn.

Ad 5.):

All Kommissariat mat 2 Roulementer muss souwuel op der Moies-, wei och op der Mëtteschicht 1 Patrull stellen. D'Kommissariater, déi mat 3 Roulementer funktionéieren, mussen 1-2 Patrulle stellen, jee nom Gesamteffektiv vun der jeeweileger Déngschtstell. Domat huet d'Region Norden an der Theorie am Daag zu all Moment e Minimum vun 9 Patrullen a souwuel an der Nuecht wei och Weekends ee Minimum vun 5 Patrullen operationell. Duerch Spezialdingschter kënn et allerdéngs och vir, dat de Minimum net garantéiert ka ginn.

Ad 6.):

Just 1 Persoun huet bis elo vir d'éischt Semester 2022 hier Pensiounsdemande gestallt. Dës Persoun gëtt natierlech ersat.

Ad 7.):

Op den 1. Januar 2022 kritt d'Kommissariat Ettelbréck 1 Polizist bäi. Dono hänkt net nëmmen de Wuesstem vun der Region Norden, mee och dee vun deenen anere Regionen an Unitéite vum Netto-Rekrutement vun der ganzer Police of.

Lëtzebuerg, den 31. Dezember 2021.

De Minister fir bannenzeg Sécherheet

(s.) Henri KOX